

रवि शाक्य
इखाछँ, यल



गिरिजाप्रसादयादव

ह्याय्हा पुचःया ङिनूगु प्रकाशन

नेपाल भाषाया काव्य-खल्य न्हू-विषयया

खण्डकाव्य



मन्त्र

गिरिजाप्रसाद जोशी

- ✱ सफू : खण्डकाव्य : मन्त्र
- ✱ कवि : गिरिजाप्रसाद जोशी
- ✱ हामा : कवि
- ✱ प्रकाशक : ल्याय्हा पुचः/ज्याःबहाः, दलाबि, मे
- ✱ ह्वापां : ६०० (खुसः) गू। ने. सं. ११०१
- ✱ छवःकिपा : हृदयराम सिंह
- ✱ थ्वाकू : मदन प्रिन्टिङ्ग प्रेस, असं, दुखे, ये
- ✱ मू : 

ल्यायहा पुचः प्रकाशकया थःगु खँ

मतिनां शुरु जुयाः थौया नेपाःया म्वानाच्चंगु इतिहासब्
वयाः ववचाःगु, मू नायः वनेकिं शुरुनिसै अन्ततक 'खुसिया
सि' या रूपय् जक खनेदयाः खुसिइ न्ह्यानाच्चंगु छ्वाःलःया
रूपय् नेपाली समाजया रुढि, थन प्यख्खेरं न्यनाच्चंगु
अन्याय, अत्याचार आदि खनेदुगु भाजु गिरिजाया थ्व
खण्डकाव्य नेपाल भाषाया आधुनिक काव्य-ख्यलय् हू-
विषयया प्रवाह ज्वनाः न्ह्यालुयाच्चंगु दु ।

कविताया नां कायैवं थुइके थाकुइगु साहित्य धकाः
 ह्नाय् कयेकुंकाः फध्वइपिं ब्वैमिपिनि निति थ्व 'मन्त्र'
 खण्डकाव्य छगू स्याचुगु प्रतिवादया रूपय् दंवःगु दु ।

थ्व 'मन्त्र' ब्वनाः सीके फुगु अले थुइके माःगु खँत
 मध्ये छताबता कविया भासं थुइके—

नय् मखन छु खँय्
 पुने मखन छु खँय्
 बुँ फुरु गरीबया ह्नातय् खः—
 मील गरीबया ह्नातय् खः
 ग्याय् माःगु छु खँय्
 गरीबया ह्नातय् बन्दुक खः...
 फू या फू या
 अन्याः धू या
 मन्त्र थ्वहे जिगु न्ह्याबलें

—भूषणप्रसाद श्रेष्ठ

‘ल्याय्हा पुचः प्रकाशन’ पाखें पिदंगु सफू

१. कँचा (न्हूबाखं)
२. फिसः (चिबाखं)
३. बिनाच्चंगु पहर (चिनाखँ)
४. आक्सय् लूगु निभाः (न्हूबाखं)
५. धर्कि दुने (न्हूबाखं)
६. आः जितः नं तन्तन् दइबल (ख्यालः)
७. कुकुल्यां कू... (इलं ह्वाःगु खँ)
८. हलू न्यानाः खेय् पवसा (ख्यालि खँ)
९. भौयात धौ पासा (ख्यालि खँ)
१०. पाकः मिसाया भाःत (ख्यालि खँ)
११. थाय्ङ्क यू मिस्टर ग्लाड ! (अनुदित उपन्यास)
१२. मन्त्र (खण्डकाव्य)

प्रेसया लुखाय् :

१. अबु पासा खेय् ल्वसा (ख्यालि खँ)
२. बीनिभाः (अनुदित उपन्यास)
३. ग्व, गुबलय् दुनावइ थे जिगु छेँ ! (चिबाखं)
४. दुर्गालालया नाटक
५. पद्मरत्न तुलाधरया निबन्ध
६. आखिर, नांगापि मत्तसे हे मि च्याकी (निबन्ध)

गिरिजाप्रसाद जोशीया मेमेगु सफूः

१. पालिखवाँय् - (कविता)
२. हाइ हाइ रे थ्वँया बात्चा - (कविता)
३. द्रकचा लिहां लिहां वः - (कविता)
४. धर्कि - (लघु उपन्यास)
५. सुथनाप सुथय् सुथय् - (कविता)
६. छि स्याना हत्या - (लघु उपन्यास)
७. सिलुस्वां - (उपन्यास)
८. गिरिजाप्रसादया गद्य कविता - (कविता)
९. विपात्र - (उपन्यास)
१०. भाजं मिखा - (लघु उपन्यास)
११. जनताया म्ये - (म्ये)
१२. लक्ष्मी व सरस्वती - (मचा उपन्यास)
१३. आगं - (कविता)

—
अन्त्र
—

खिउँगु क्वथाय् दुने
ख्वःगु च्वसाय् दुने
ह्मगस दु ह्मछह्म तिमिला
लिमलाः फमलाः
का थुगु तिमिला
थी मते छिमिसं खिमिला

थुगु खिमिलाय् जि
खने दुगु धाय् जि
खंकि थ्व गांया दुःख छु खः
वांगु गु दय्कं
वांगु बु दय्कं
ख्वख्वमख्व धाया च्वंहा सु खः

वैगु मिखां छं
 वैगु मनं छं
 स्वइब्बु थ्व करकर हाःगु छु खः
 पर्वतयागु नुगः
 बिरहं जाःगु नुगः
 चिरिबिरि बायाः वाःगु छु खः

मेपिनिगु मिखाय्
 मेपिनिगु मनय्
 यच्चुगु क्वब्बाःलः जक खइ
 जिगु थ्व मिखाय् ला
 जिगु थ्व मनय् ला
 नुगः नाःगु ख्वबि स्वःस्वः वइ

मेपिनिगु मिखाय्
 मेपिनिगु मनय्
 सिच्चुक सिरिसिरि फय् वल खइ
 जिगु थ्व मिखाय् ला
 जिगु थ्व मनय् ला
 फय् मखु कसुकाः हे जक वइ

मेपिनिगु मिखाय्
 मेपिनिगु मनय्
 इरूथिरू जूपि मनूत दइ
 जिगु थ्व मिखाय् ला
 जिगु थ्व मनय् ला
 ववैय्पंजः हुसुलु चुल खइ

थुलि फिकां दं
 थुलि मिकां दं
 अय्नं बांलाः न्ह्यैपु थ्व गां
 जिगु गां जिमि मां
 जिमि मां जिगु गां
 खाः हय्कुंसां यैपु थ्व मां

खः जिगु गां ला
 खः थुलि बांलाः
 छाय् बांलाःगु थ्व खिउँगु नगु !
 पर्वत कविया
 दुखया खबिया
 खण्डकाव्य खः थ्व गां छगू

श्व षण्डकाव्यय्
 ख्वबिया लव्यय्
 खनेदुगु खः जिगु दुखया गां
 हीमी चायाः
 ख्वख्वमख्व धायाः
 गनया ल्याय्हात जुल ब्वांब्वा

ल्याय्हात जक ला
 मय्जुत नं ला
 सल ब्वाय् थें ब्वाय् जूगु दनि
 म्हाय्पि स्यंसां
 जौभन म्यूसां
 मां अबुपि ख्वाय् जूगु दनि

मां अबुपि तक
 शोषक गुलि जक
 मस्त फुकं व्वय् चू जुइपि
 सुलिमय् सुलिमय्
 छुं मरु कुलिमय्
 मां अबुपि व्वय् जू जुइपि

मस्त जवाः जुइ
 घांय् दुरू याः जुइ
 छांय् अमि ह्लाःतुति जुल सिक्का
 अहो ! गज्याःपि
 थन मांबौपि
 मांबौपि नः जुल थिक्काः

वःगु दु अन्न
 सःगु दु अन्न
 पित्याःमि दनदन छ्वःगु गथे
 घांय् घ्यः जुल नं
 दुरू लः जुल नं
 मस्त थपाय्सं ख्वःगु गथे

अय् नय् खंषि
 तःधं धाःपि
 न्ह्यइपुक मोजं च्वंषि
 थः हे द्यः थे
 छे देगः थे
 गजू छुनाः च्वं च्वंषि

दुरु त्वन छिमिसं
 धउ त्वन छिमिसं
 वःगु व खः जिगु हे गामं
 गुलि ताक्कुसे च्वं
 गुलि माक्कुसे च्वं
 त्वंकल त्वंकू थे' मामं

सीकि सुनां बरु
 न्ह्यःगु व खः दुरु
 थुसुथुसु मुसु जक वःह्य व खः
 व सु खः ? व सु खः ?
 ल्वय्या जुजु खः
 गुलि की बन जुइ छ्वःह्य व खः

ल्वय्दुपिसं जक
 पित्याःपिसं जक
 अय् लहिना तइतःपि
 लुदना च्वंपि
 फुदना च्वंपि
 अय् तःधं धइतःपि

बल्चां लहिनाः
 फल्चां लहिनाः
 अय् महलय् क्लिप्ते वःपि
 गरीब न्यानाः
 सिपाहीं यानाः
 धन रक्षा याय् सःपि

गरीब दनावइ
 गरीब सनाहइ
 चयः याय् फइमखु आः अमित
 त्वहं त्वहं खः
 द्वहं द्वहं खः
 द्यः याय् फइमखु आः छिमित

गरीबया काय्
 गरीबया म्हाय्
 छहा चयः छहा वेरया जुल गय् ?
 अय् सुख खंपि
 दुःख मखंपि
 छिमि जक स्वत्त कपाः लुल गय् ?

थुंगु अन्याः जि
 थुगु अत्याः जि
 सह याय् फइमखु गब्लें
 फू या फू या
 अन्याः धू या
 मन्त्र थ्वहे जिगु ह्याब्लें

थौं छिमिथाय् यँय्
 मतिनाया लँय्
 वल जिगु गांया मय्जु छह
 अहो गज्याःह
 नेपाः - याह
 नेपालं नेपाः वःह

अय् नेपाः नु
 पिने नं प्यां नु
 कय्कुं छंगु नुगःपा
 नेपाः यँय् जक
 गय् जुल थौं तक
 यँय् जक छाय् वल नेपाः

नैपाः धइब्बु
 ववथीक स्वइब्बु
 थ्व मय्जु छंहे म्हाय् खः ला
 लुर्का धइंगु
 यतेप्यते वइगु
 धा छं नं थथे सुइ यः ला

छंहा पुता खः
 छंहा मचा खः
 छंगु हे पाखाय् त्वःहा
 छंगु थ्व शहरय्
 प्रेमया लहरय्
 यःहा लिसें बिसिवःहा

जिमिथाय् गामय्
 बरखा यामय्
 तारं बारे याः बल गुँइ
 अन गुँइ वंवं
 ज्यामित खंखं
 मय्जु थ्व जुल खः छहालिसे उइँ

उगु मतिनां हे
 उगु सपनां हे
 कन दुख सुखया बाखं
 बुलुहुं बुलुहुं
 गुजुहुं गुजुहुं
 कयन जीवनया प्याखं

स्वय् दै न्यने दै
 कने दै खने दै
 यःपिनि यःत्यः जुलकिं
 खने दै प्याखं
 न्यने दै बाखं
 मतिनां पदा उलकिं

सँहाःहुं धाय्वं
 सिचु फय् वय्वं
 वइ यचु नुगलं यैपुगु म्ये
 वया यःमिया
 नुगः कःमिया
 उगु म्ये पितहइ न्ह्यैपुगु म्ये

निपु म्ये छपु जुइ
निह्मं छह्म जुइ
गबले बाय् अमि यःगु मखु
यःगु नुगः खं
मेगु मखं
जःखः छुं हे स्वःगु मखु

तर दुश्मनतय्
मभि मनूतय्
यःत्यः सह याय् जीगु मखु
धाः जुइ यत्थे
ह्लाः जुइ यत्थे
अमिसं म्हुतुप्वाः तीगु मखु

अमिगु खँ धाय्वं
अमिगु खँ ह्लाय्वं
म्ह्याक्व खँ ह्लाःसां गाःगु मखु
गुलि जक यः जुइ
गुलि जक साः जुइ
म्ह्याक्व खँ ह्लाःसां चाःगु मखु

खँ ल्हाय्गु हे थुलि
साः धाःसा गुलि
साः जुइ मतिना ओहो
माक्कुसे च्वं जुइ
चाक्कुसे च्वं जुइ
गज्याःगु सपना ओहो

गुबलेँ धाः वइ
व मस्त हाःवइ
गुँच्चकाय् निह्मं वंगु खना
व मस्त हाः वइ
गबलेँ धाः वइ
चुरस त्वना च्वंच्वंगु खना

गबलेँ धाः वइ
व मस्त हाः वइ
ऊवाल्लाय् निह्म म्वःल्हूगु खना
व मस्त हाः वइ
गबलेँ धाः वइ
निह्मं ल्हाः ज्वना जूगु खना

मस्तयसं खं
 मेपिसं खं
 तर अमिसं थः खंगु मखु
 थःगु नुगः तं
 अमि थः तं
 थः गन थ्यन खः खंगु मखु

भइँचुइँ भुइँचुइँ
 खँ जुजुं हुइँहुइँ
 अहो बा-फय् वःथें च्वं
 न्हू न्हू घटना
 जूलिसे मतिना
 ह्सला थें हे त्वःथें च्वं

मतिना भय्भय्
 जाःलिसे बय्बय्
 जुल अन गामय् चर्चा
 ह्वः थें च्वन अन
 अहो दनादन
 सिमाहलं तक पर्चा

स्वां ह्रि चवन थुखे
पतकडया उखे
ह्लाः कन कन ताहाः थें च्वं
मत च्याः गन गन
ओहो अन अन
व फय् वयाः फू याः थें च्वं

“वा-फय् न्ह्याब्लें
वःगु दु गबलें
तर नगु पुइका यंगु मडु”
धइचवन अमिसं
स्वइचवन अमिसं
“मतिनाया स्वां स्यंगु मडु”

थः हे तलतल
थ्यू थें कलकल
नगुत निगः खनेवं हिले वइ
फितिक मस
व वा फसं
थः नं न्ह्याब्लें अथे चवने दइ

वा-फय् वय् थें
 हुइँ हुइँ फय् थें
 निनिया काय् वल तं पिकयाः
 ऐन वयनाः
 कानून वयनाः
 यंकेत स्वइच्चन थःह्य धयाः

धइच्चन बौह्यं
 पुलां पहःह्यं-
 “यंकि छंह्य खः पनी सुनां”
 धइच्चन म्हाय्म्हं
 न्हूगु पहःम्हं-
 “वइह्य जि गय् जुइ यनी सुनां”

“जिके छ वय् माः
 इहिपाः याय् माः
 हक जिगु’ धाःह्य व निनिया काय्
 “छ ला किजा खः
 जि ला तता खः
 जि यःह्य मेह्य दु गथे ब्याः याय्”

“भा:त जि जा छं
 मखु जि किजा छं
 हक जिगु” धा:ह्य किजाह्य
 वया तताह्य
 पाजुया म्हायह्य
 “य:ह्य जि मेह्य दु” भा:ह्य

“ऐन श्व हे
 कानून श्व हे
 किजा घयां छं जी ला ?”
 “त्व:ति जित्त: बे
 त्व:ति जित्त: से
 मयेक ब्या: याय् दइ ला ?”

“ऐन श्व हे
 कानून श्व हे”
 “कानून मखु, ख: चलन जक”
 “जिमिह्य छ ख:
 छंत छक:.....”
 “यंकइ छं द: बलं जक”

बहनिइ पिलिचाय्
सुं मदु बलचाय्
तिमिला याय्त्त्यन वइत छकः
सुं मदु बलचाय्
बहनिइ पिलिचाय्
ऊवाला याय्त्त्यन वइत छकः

बहनिइ पिलिचाय्
सुं मदु बलचाय्
सर्गः याय्त्त्यन वइत छकः
बहनिइ पिलिचाय्
सुं मदु बलचाय्
पर्वः याय्त्त्यन वइत छकः

बहनिइ पिलिचाय्
सुं मदु बलचाय्
न व स्वां जुल, न व तिमिला
दन व मलः थें
सन ब मलः थें
न ब सर्गः, न व ऊवाला

दिनिदिनि खानाः
 धिनि मिनि यानाः
 होमी चायाः प्यंकल वं
 जुइमखु भि
 दः थिलकि
 थःगु घोषणा न्यंकल वं

पू वन त्यांग्रां
 सः वल ध्वांग्रां
 पिलिचां खलचाय् कुतुवन थें
 चुइँक महासें
 छुं हे मधासें
 कुतुवंह्य किजा बिस्युवन थें

वा दाय्गु ल्वहँतय्
 छ्व दाय्गु ल्वहँतय्
 छ्यं हाः वन थें, कन्हय् सुथय्
 ह्लिल व त्याःह्य थें
 त्याःमि च्याःह्य थें
 ह्याउँक खनेवं ल्वहं सिथय्

वइच्चने मतिइ
 तइच्चन मतिइ—
 पंगः जुलकि पर्वः चीकि
 थःगु लँ दय्कि
 थः वने सय्कि
 समुद्र हे नं कवपसां पुइकि

जिगु मानन्नता
 जिगु स्वतन्त्रता
 पंजः दुने तः वल धाःसा
 हिया प्यास जुइ
 छाया जि दास जुइ
 अज्ज व हाय्कः वल धाःसा

छ्यं ह्वगन जुइ
 हक ज्वइवन जुइ
 ऐन व कानून ज्वइवन जुइ
 ककिगु अम्बः
 थीहा व भम्बः
 लुफि हाःगुलि ख्वइवन जुइ

पंगः दैयैकाः
पंजः दय्काः
जि जन्म जुइ न्ह्यः हे दः कुन्यत
अहो सुनां थें
छु वइगु नां थें
खिपः निला तल दः हे चीत

गथे कानून जुइ
गथे विधान जुइ
मनूत पशु थें जुइगु गुकि
नुगलं चाःपि
मनू मग्गाःपि
कानुन चपफू जुइगु उकिं

ग्याफर जूसा
कुंका च्वंसा
गथे कुंकः वइ मानवता
गुह्यस्यां यय्कइ
व हे मनू खइ
हि लः बियाःसां स्वतन्त्रता

स्वतन्त्रताया

मानवताया

निर्ति चफुना छ्वइह्य सिखः

पंगः खनकि

अगः खनकि

लसि जुयाः ति न्हइह्य जि खः

चवय् स्वत यच्चुसे

सर्गः बच्चुसे

क्वय् स्वत ऋऋः धाःगु दु गु

तसकं न्हइपु

तसकं यइपु

ह्यासु ह्यासु धाया च्वंगु दु बु

गुलि न्हइपुसे च्वं

गुलि यइपुसे च्वं

वलचाय् जःखः ह्वल तकस्वां

तकस्वां ह्वः थें

नुगलं यः थें

ह्वइ ह्वइ मतिनाया जक स्वां

वइगु नुगः थें
यच्चुगु खः थें
सुपाय् छकू हे मंत गनं
गुलि जक चक्कं
सर्गः फुक्कं
वा वइमखु आः वइगु मनं

वं स्वय् वइमखु
द्यः त्वप्पुइ मखु
निनिया काय् आः वइमखुत
वं स्वय् पंगः
मदु आः अंगः
तिमिलाय् छुं च्याः दइ मखुत

वा फय् वय् ब्यु
लः फय् जुइ ब्यु
मतिनाया स्वां ह्वय्त थह्व
व किजा हानं
वल धाःसां नं
किजा जुयाः जक वय्त थव

पने फइ मखु भाः
 गने फइ मखु आः
 मामुँर याना छ्वइह्य व खः
 पर्वः पुइकाः
 सर्गः लुइकाः
 खुसिबाः न्ह्याना वइह्य व खः

छखे छखे घ्वानाः
 छखे छखे छ्यानाः
 पर्वः वःसां वइगु छ्यनय्
 न्ह्यइपुगु सुथ व
 यइपुगु सुथ व
 निभाः जुयाः दने धइगु मनय्

कं कं जक सां
 सास्ति कष्ट सां
 पलाः पति स्वां ह्वःह्य व खः
 दुम्ब्रः कइ च्वन
 बाःबाः वइच्चन
 खुसिबाः वः थें वःह्य व खः

मतिनाया लैय्
 मतिनाया बैय्
 सीमखु याय्त्यन जाल छु खः
 अमृत खनी तर
 अमृत त्वनी तर
 सीमखु अमिसं काल छु खः

व स्वां जुयाः ह्वइ
 भम्बः गथे वइ
 सुनां कुना तइ धाय् मफु वं
 खुसिबाः खंसां
 म्वःलहुइ त्यंसां
 सुनां पना तइ धाय् मफु वं

त्वहंया अंगः
 चीकाः पंगः
 वं स्वय् वइथाय् वइ भम्बः
 फुक तच्छ्यानाः
 घाघुर् यानाः
 वं स्वय् खुसिबाः जुइ दुम्बः

सँहाःहु घाय्वं
आश पिचाय्वं
खुसि जुल खुसि थें बिलं बिलं
गुलि चंताःलाः
वइगु पलाः ला
वन वन गुँइ नाग् वान्किलं

नुगल्य् बाखं
भय्विक प्याखं
हुलाः हुलाः वइच्चंहा व खः
निहा नापलाय्त
यःत्यः याय्त
सुलाः सुलाः वइच्चंहा व खः

सिमां किकाः वं
मिखा पीकाः वं
स्वइच्चन ज्यामित त्यां वनिन
गुलि न्ह्यइपुइन
गुलि यइपुइन
यःहा व गुँइ दुने द्वां वइन

कसंग वन मन
अन यथे खन
पुलिस लिसें वल निनिया काय्
म्हुतु यथेर सन
मिन धुक धुक मन
पुलिस व दाजुह्म खःसां छाय्

सिल वं यथे
थुल वं यथे
निनिया काय् यँय् वंगु खनी
वःगु व त्वाय्त
यःत्यः फाय्त
वइगु खँ फुक्कं कंगु खनी

जुइथाय् त्वंगः
जू वल् पंगः
तं प्पां वल तुतिपालि
दिनिदिनि खाः व
गुलित मग्गाः व
छुं हे मखन छचाःलि

व्यर्थय् अंगः
 छाय् वल पंगः
 यच्चुगु वच्चुगु श्व सर्गतय्
 छाय् वल वा-फय्
 छाय् वल ग्वःफय्
 न्ह्यइपुगु यइपुगु श्व पर्वतय्

तं वल कुनुकुनु
 मिं नल गुनुगुनु
 बिकः छु खँय् जू वःगु अपि
 कर्पिनि मतिनाय्
 कर्पिनि सपनाय्
 सिखः छु खँय् जू वःगु अपि

थः मतिना जुल
 थः सतिना जुल
 स्वइगुं छुं वं काःगु मरु
 छाय् वल पंगः
 छाय् वल गंगः
 स्वइतं छुं वं याःगु मरु

उगु यःत्यःया
 पंछि नुगःया
 यःथें व्वय्काच्चंहा व खः
 मस्यू पकाः वं
 वय्फु धकाः वं
 स्वां थें ह्वय्का च्वंहा व खः

वाय्कल व मनं
 चाय्कल व मनं
 दाजु बिकः जू वःगु छु खँय्
 दाजु व गय् जुइ
 किजा व गय् जुइ
 किजा पकाः जू वःगु छु खँय्

दाजु व हे खः
 किजा व हे खः
 गुह्यस्यां पयं वइ न्यवः सिखः
 जि दाजु ग्व ?
 जि किजा ग्व ?
 ऊंगः थें व्वय्माःह्य जि खः

कूँलयाँ नामयँ
 इजतया नामय्
 यःत्यः निह्म फाः वःह्म व खः
 छकः मन्यंसँ
 बिचाः मयासँ
 तं पिकयाः त्वाः वःम्ह व खः

खन वं यःम्ह
 गुँइ बिसिवःम्ह
 यंकल अमिसं लित्तुलिनाः
 बिसि वन यःम्ह
 हुलिहुलि वःम्ह
 गुँखि, जाः, उगुथुगु खित्तुखिनाः

ओहो गय् च्वं
 जुजु थें हे च्वं
 वःम्ह व माहां थत्थ स्वयाः
 फुई-फाँय् यानाः
 तम्मं च्यानाः
 सुलि पति हे ववक्व स्वयाः

दाक्वै पाक्वै खैः
स्याक्व पाक्व खः
धाधां पिकयावःम्ह व फुइं
लाख्य् दुबिउम्ह
गुलि बल्लाःम्ह
लास थुना बी धाःम्ह व गुइं

उलि याय् मफुसा
उलि त्वाय् मफुसा
छुं हे इज्जत मद्दु थें च्वं
वं स्वय् जुजु व
जुजुया रुजु व
वं स्याःसां खत मद्दु थें च्वं

कुल्लि व नलिनलि
वःह्य व हुलिहुलि
खंखं कुनुकुनु वइच्चन तं
नाप लाय्वं हे
नुनीह्य थें हे
गुच्चकाय् च्वय् च्वय् गइच्चन तं

याक्तर धाःह्य
सिल व गज्याःह्य
मतिनां बय् बय् जुइकाः
थुलि नां जाःह्य
हुलिहुलि चाःह्य
चर्चा पर्चा पुइकाः

अज्याःह्य कुल्लि
अज्याःह्य सिल्लि
नापलाय्साथं ऊवा याय् जि
धाधां माहां
चवय् वन थाहां
कक्कु ज्वनाः हे छ्वा याय् जि

वाक्कु छिनाः वं
कक्कु ज्वनाः वं
जुडो नकाः वं ग्वतुकइ
ओहो घरिघरि
वा न्ह्यल किरिकिरि
गुँया च्वकां हे कुतुकइ

थां वनं व्वाय् वनं
व्वाय् वनं थां वनं
तैयां पर्वतं गइवनं व
मूर्तिं व तैयां
फूर्तिं व तैयां
दुश्मनं उखे थुखे स्वइवनं व

वनं वनं माः वनं
मामां थां वनं
मामां ताय् दइवःगु छु खः
अहो तस्सलं
हाःगु तस्सलं
ग्वाःलि ग्वाःलि धइच्चंहा सु खः

गुँया दथुं सुं
सूगु कथुं सुं
ग्वाःलि पवना च्वन जूगु छु थें
हाःगु व छाय् जुइ
ग्याःगु व छाय् जुइ
खः व मिसा सः हाःगु सु थें

मनू व हे खः
 भिह्य व हे खः
 आपत विपतय् ध्यनिह्य सु खः
 माःह्य व हे खः
 मनू व हे खः
 सास्ति व कष्टय् वनिह्य सु खः

याय्त गुहाःलि
 बीत गुहाःलि
 मनू व हे गुह्य तत्पर जुइ
 आपत विपतय्
 सास्ति व कष्टय्
 मवनकि व नुगः पत्थर जुइ

माहां व खः छह्य
 बाहां व खः छह्य
 मखु व मनू धाय् फइमखु छं
 माहां जुइव हे
 बाहां जुइव हे
 दुगु खसि खः धाय् दइमखु छं

मांहा मन् खः
 बौहा मन् खः
 मनुखं हे बुइकूहा व खः
 धइव्यु मन् व
 जुइव्यु मन् व
 वल्चां हे लुइकूहा व खः

शक्ति दुव्यूहा व
 भक्ति दुव्यूहा व
 दुःखय् ग्वाःलि बीत वनी
 हुकूम दय्वं
 तालिम दय्वं
 थत्थें युद्धय् सीत वनी

रननन वः तं
 कथि गुलि जक सं
 करण्ट वः थें पुकेत वनी
 तमं तमं वं
 मिखां मखं वं
 छागिमय् लाःसां दिकेत वनी

व्वाय् वन थत्थे
 खन खन थत्थे
 थःह्य कलाः हे हाःगु खनी
 गांया थालुचां
 छ्वगीह्य कालुचां
 जौभन चिप याय् धाःगु खनी

“छाय् सुकु छाय् थन”
 हक्का हल अन
 ग्यात न लज्या चाल भति
 सुकु व गज्याःह्य
 फूर्ति दुचाःह्य
 न सुकु छुं धाय् छाल भति

तंया चक्कां व
 तंया लुखां व
 थत्थे कुतु वइ च्वन अन गुँइ
 कुल्लि लुमंकाः
 कथि छपु संकाः
 ओहो हानं पितहल फुइँ

कलाःहा छक्क
जुल आः पक्क
स्व जक स्वयाः वन भाःतं गय्
भाःत व मखुला
मेह्य मिजं ला
कलाः मधासैं छाय् वन अय्

“खन छिमि भाःतं
खन छिमि मिजनं
छुं व्वः बिल ला? छुं जुल ला?”
धाल व गिद्धं
साल व गिद्धं
‘किचिकिचि याय् मते छं थुल ला?’

वइगु नुगःपाय्
वइगु व दुरुपाय्
ह्लाः छ्वइच्च्वं च्वन गिद्धं
धइच्च्वन “स्याय् जि
छंत छु याय् जि”
रुवाः स्वइच्च्वं च्वन गिद्धं

इतिमिति कैकं
 छतपत सँसं
 वां वां न्याना च्वन व मिसा
 मिसा महाः आः
 ग्वाःलि मघाः आः
 याय्त्यन गिद्धं इसाः षिसाः

पिकया हल तं
 गिद्धं ऊं ऊं
 छा बाय् त्यन सँ ज्वनाः वइत
 भाःतह्य सुंक
 स्वइवन तुंक
 ग्वाःलि सु याः वइ आः वइत

भाःत माहां खः
 ग्याय्गु छु खँय् थः
 धइगु मतिइ तइतःह्य व खः
 सिल वं थौं तिनि
 थुल वं थौं तिनि
 माहां तःमितय् च्यः जक खः

माहाँ धइहा
 थः हे थःहा
 धइ थें धितु धिन आः छकलं
 ग्वतुकल गिद्धं
 क्वत्यल गिद्धं
 ब्यंकल गिद्धं पर्सि बलं

गिद्ध व ह्लिल आः
 व मिसा खल आः
 गिद्ध व आः लय्ताः थें च्वं
 चुइँ चुइँ सः वः
 न्हूहा सु खः व
 तर उ सिमा हः हाः थें च्वं

वःगु ख हे खः
 वःहा ख हे खः
 चुइँ चुइँ सः वल व सिमा हः
 जुइ त्यंगु छु खः
 जूगु छु खः
 वःम्हं खन अन सु इमा खः

तं वल थत्थं

तं गल थत्थं

तंया पर्वत च्चकाय् च्वनाः

छ्वत छ्वावाना

बँय् बस्वाना

त्वाः वन गिद्धया ककुइ ज्वनाः

दाय् त्यन गिद्धं

तर व मिसां नं

दाः वन छत्थुं ख्वालय्

व मिसां ध्वाय्वं

कुल्लि थ्वाय्वं

क्वपसां पू वन क्खाय्

देखा जाय्गा

छिमित कल्लय् का

पत्ति धस्वाकाः वन गिद्ध

पल्लन हइला

अन त्वाः वइला

आः गय् जुइ थें युद्ध

वःम्ह सु खः अन
 थ्यंहा सु खः अन
 वःम्ह व हुलिहुलि वःम्ह व खः
 सुं मदुम्ह व खः
 ग्याःम्ह व खः
 ग्याग्यां गुँइ बिसि वःम्ह व खः

दिनिदिनि यानाः
 लसि खानाः
 दुरुपा यतेप्यते संकाः
 च्वंच्वन व दनाः
 वाक्कु छिनाः
 तंमं मिखां मखंकाः

पसिं भुंकाः
 नुगः मछिकाः
 धइच्चन कुल्लि—“लं गुत का”
 “छु याय्गु आः जि
 छु याय्गु का जि
 ध्वगीह्य गिद्धं हे खुत का”

“बिसि वने थौं जि
 थन हे गुं जि
 क्यहेंभत गबल्य् का: वय् ?”
 “छ्वइ बी थौं हे
 आ: बहनिइ हे
 आ: हे वइत छ्वया हय्

हुलिहुलि व:सां
 गरीव ख:सां
 वीर छ ख: छह् वीर छ ख:
 छं जय जुइमा
 छं सुख सीमा
 जिमि क्यहेंभतया शीर छ ख:”

छखे वल लय्ता:
 छखे वल चिता
 थ्यनिन थ्यनिन आ: व ह्वंगलय्
 वल व तब्बा:जुह्
 नाप्प व य:ह्
 इहिपा: जुइ आ: व जंगलय्

छखे ख्वबि बा: वं:
 छखे लय्ता: व:
 ख्वल व तता: जुह्य जुइव विदा
 धइचवन - "ध्यावचि
 न्है चिथि छ्वइचि"
 कयहेंभन्न नं ख्वल काय् व विदा

खिउँ ह्वखना: अन
 ताय् दुगु थें चवन
 "त्व:मंके मते ध्यावचि"
 "गय् जि त्व:मनी
 छाय् जि त्व:मनी"
 "खंला न्है चिथि छ्वइचि"

सूर्य: कवां वन
 खिउँसे चवन अन
 तर नगु गुलि वांछ्वइ हल वं
 पीर दु वइत
 थ: प्यां बनेत
 थ:ह्य दूत सां छ्वइ हल वं

जः दनि जः दनि
 नगुतय् सः दनि
 च्वाय् चिचिं खाचामचा हाः थें च्वं
 नगुतय् नं सः
 तसकं थ्वः
 सुथ जुइ सुथ जुइ धाः थें च्वं

चा च्वकाय् थ्यंलिसे
 क्कनक्कन खिउँलिसे
 सुथ सतिना वइ सुथ सतिना
 न्ह्यज्याः न्ह्यज्याःलिसे
 न्ह्यज्याय् मग्ग्याःलिसे
 जः प्यपुना वइ जः प्यपुना

ग्याय् माःगुछु खँय्
 ग्याय्गु छु खँय्
 लुफि लुफि जक हाःसां
 नाप दु पासा
 सुथया आशा
 पचिपचि जक याय् माःसां

यःत्यः खतकि
 निहा वय् दतकि
 तिमिलाया जः मवलं छु
 लिसे जक वय् माः
 लिसे जक दय् माः
 वसंतया स्वां महलं छु

गुं गुं बुं बुं
 वगरं वगरं
 वने माःसां गुलि न्ह्यइपुसे च्वं
 यःत्यःपि जव
 नापं दइं तव
 बाखं गुलि जक यइपुसे च्वं

थौं निहा यःपि
 नापं वःपि
 खनाः व खुसि लय्ताः थें च्वं
 कलकल कलकल
 छलछल छलछल
 ह्यमसय् ह्यंगु म्ये हाः थें च्वं

मतिनाया लैय्
 थौं निह्मा उई वँय्
 खनाः व नगु लय्ताः थें च्वं
 प्वालपिल प्वालपिल
 त्वालतिल त्वालतिल
 जःजितिया म्ये हाः थें च्वं

निह्मा यःत्यःपि
 छगू नुगःपि
 वंथाय् सुथ नं मजुलं छु
 जुइ थः हे जः
 जुइ जः हे थः
 सूर्द्यः मदयाः खिउँलं छु

शहरय् थ्यने मा
 गामय् थ्यने मा
 गनं गनं हे मथ्यनं छु
 यःत्यः वनकि
 यःत्यः ह्वनकि
 थ्यनेमाःथाय् हे मंतं छु

निह्य यःपि जक
 गन दइ अन तक
 वनेत लँ दयका तःगु फुकं
 निह्य यःपिनि गुलि
 बाखं दइ उलि
 कनेत खँ दयका तःगु फुकं

थ्यंकः वल यँय्
 मतिनाया लँय्
 निह्य लँजुवाः थों चः तुइवं
 अमिगु आज्जु थें
 अमिगु ताज्जु थें
 खन धररा सूर्यः लुइवं

शहर थ्व खः ला
 सागर खः ला
 न्ह्यइपुसे च्वंगु थ्व जंगल खः
 मनूत धइपि
 फलफुल सइपि
 मनू ह्य पतिकं फल सल खः

मनूत धइपि
फलफुल सइपि
नं थन पवगि जूगु छु खँव्
अहो यँय्
मनूत लँय्
शहरय् थुलिमछि न्ह्यइपुगु लँय्

इरुथिरु थ्व सिमा
मनूत फसिमा
च्वंच्वन गुलि फल सय्काः
काय् जक सय् माः
बी जक सय् माः
ह्यति ह्यति लय् वय्काः

कन्ना चाय्काः
जक फल हाय्काः
नइपि पवगि ह्यामि गुलि
हिचःति हाय्काः
जक फल सय्काः
जूपि भरिया ज्यामि गुलि

ध्यावचि थ्व शहरय्
वय् नं रहरय्
फलचाय् नं द्यने नंहा व खः
जुइ व शहरिया
भाःतहा भरिया
निन्दुप्यन्हु नं चवने नंहा व खः

मनू गुँ खः थन
मनू धुँ वः थन
मनू च्वलय् जुइमाःगु थ्व थाय्
गन द्यने दइ थें
गन च्वने दइ थें
स्वस्वं त्वलय् जुइमाःगु थ्व थाय्

बहनिइ जुइवं
मतमित च्याय्वं
माः जुइ फलचा, तर सतकय्
थरथर खाखां
ग्वतुली ग्याग्यां
बाय् जुइ लँसिथय् जक मतक्वय्

मन् मदय्वं
 मन् मवय्वं
 मन् गुं कन किंकां दने यः
 सून्यगु सतकय्
 सून्यगु मत कवय्
 मत कन लाख्य् थें चवने यः

छह्य निह्य वःसां
 मन् व खःसां
 भूत प्रेत वः थें चवने यः
 थ्व सव्वु चाल्लय्
 थन सुनसानय्
 बाखंखँ नं खः थें चवने यः

भिपि सां नं
 मखन सुतां नं
 धाय्व मभिपि थें सने यः
 मय्जु नकिं
 ग्याःगु उकिं
 चाल्लय् भिपि नं स्थने यः

भवत्तुल ग्याग्ग्य
 फयत्तुल ग्याग्ग्या
 छद्गच्चन - "हुं देगः दुने नु"
 मत लाखय् थें
 जुल मय् थें
 छद्गच्चन - "भन खिउँथाय् वने नु"

वनेक् देमलय्
 च्वनेक् देमलय्
 छक् शरण हे काः थें च्वां
 तकि तकि फः च्वय्
 सतक दु क्वय्
 देगः भक्ति फलच्चा थें च्वां

अन हे छं वइ
 अन हे च्वां वइ
 खिउँथाय् जक व मग्ग्याः थें च्वां
 मत कन मत ख्याः
 जःलिसे कन ग्याः
 वइत व खिउँ भलसा थें च्वां

मिजंहा खड्ड- "छाग्
 च्यश्चय् फलेवाय्
 न्यायहल थौ जि छंत"
 मय्जुं ह्तीकइ
 स्वां त्वय्कइ
 "छ गन दु मन जि वसंत"

यःपिं ह्वनेवं
 नापं चवनेवं
 लय् हे मंजिल खत थें चबं
 गुलि लय्लय् ताः
 कः कः धाः
 अमि मन लथ्याय् मह थें चबं

देगः फल्चां
 खनी व भैचां
 सतक गपाय्सं च्हाइपुसे चबं
 स्वर्गं बःपि
 थें हे चवंपि
 बइपि सकलें यइपुसे चबं

माहांत ऊवः ऊवः
खिति थें त्वः त्वः
छाश् वल थुलि न्ह्यइपुगु सतकय्
न्हूगु छावक छाय्
न्हूगु स्याक्क छाय्
कपौ वरावर थुगु सतकय्

मेपिनिगु पलाः
नायूगु पलाः
सतकय् उसिउसि याः थें च्चं
माहांत वलकि
अमिसं न्हूलकि
घाः जू थें गुलि स्याः थें च्चं

तुपः घस्वाकाः
पल्टन ब्वाकाः
स्वइत गिजय् याः जूगु थ्व खः
पल्टन छाय्
थन जनताय्
स्वइगु इजत्त काः जूगु थ्व खः

जनता ख्यानाः
जनलिसे त्वानाः
जनया देशय् च्वंह्य सु खः
माहां छु याय्त
जनता स्याय्त
धिवकार, व हिस्त्रक पशु खः

देशया निति
न्हूवल तिति
खं जुवाः सुं थन हाःगु मदु
थः जनता
खः खः जनता
तुपः वयनाः ख्याय् माःगु मरु

पुलिसत ऊवःऊवः
सतकय् थ्वःथ्वः
निन्हुप्पन्हु दत वइच्चंगु छु खँय्
अहो हि भ्याःपि
त्वहं थज्याःपि
मत्वः गपाय्सं न्ह्याइपुगु लँय्

छयं वत्रलुकइ वं
 खाः फहिकइ वं
 पुलिसत वय्वं चिक मिनी
 खनि थें सुकुचां
 ज्वनि थें सुकुचां
 लाजवंति थें व कय्कुनी

सुकुचां खनकि
 सुकुचां ज्वनकि
 खाः वइ धइथें ग्याः अपि
 धुँ खनाः ग्याय् थें
 खुँ खनाः ग्याय् थें
 जेलय् तइ थें ग्याःगु अपि

मनू च्वनीथाय्
 मनू ह्वनीथाय्
 मनू धुँ दय्कातःगु सुनां
 धइथें ही चाः
 गुबलें तं चाः
 मनू ववत्यय्का तःगु सुनां

माहां छु याय्त ?
 बाहां छु याय्त ?
 मनूत जूलय् तय्त खनी
 अहो नगर ला
 चिडिया घर ला
 फइया हूलय् तय्त खनी

वःबुइँ वः थें
 किसि दुम्बवः थें
 मनूत त्याः त्याः वःगु उकें
 कुने फइ ग्वःन्हु
 पने फइ ग्वःन्हु
 पंजः तच्छयाः वःगु उकें

सिल अमिसं नं
 थुल अमिसं नं
 धइच्चन सकस्यां जुल्स थ्व खः
 फलय् च्वनाः
 देगलय् च्वनाः
 स्वइच्चन सकस्यां जुल्स थ्व खः

दुखदुखपिसं

गरीवतय्सं

स्यू अमि निति वःगु थ्व खः

गुलि स्यू अमिसं

गुलि थू अमिसं

थः वने म्वाःसां थःगु थ्व खः

लँय् छनेमाःपि

बँय् छनेमाःपि

गरीवया निति हाःगु थ्व खः

गरीव मवःसां

गरीव मदंसां

गरीवया निति ल्वाःगु थ्व खः

धइच्चन— सौमा

हे ऊवकनीमा

अन्याः याःपि फुक्कसितं

नय् त्वने ब्यु

छेँय् च्वने ब्यु

ज्या सनेमाःपि फुक्कसितं

लुमन मय्जुया
 छु जुल गय् जुयाः
 वइत छु मानि वइत छु माः
 मतिनां ज्याय्वं
 मूर्ति पिचाय्वं
 वइत छे मानि वइत बु माः

गुजुगुजु काः व
 गुजुहुं च्वं व
 वसंत ऋतुया मूर्ति व खः
 ह्वल गुलि तपवः
 स्वान छपवः
 वल मतिनाया न्हइपु नखः

मूर्ति धइगु नं
 रूप दइगु मं
 बंधन खः ला प्याय्प्याय्
 मतिना पिलूगु
 मूर्ति व न्हूगु
 ख्वल ङंगः थें च्याय्च्याय्

ह्लिलाः ह्लिलाः जक
सुखं इलाः जक
ह्लःगु व स्वां ख्वय् सःगु गुलि
ख्वय् सःगु थ्व स्वां
ह्लिले सःगु थ्व स्वां
व मय्जुया नं यःगु गुलि

हिसिया ण्वः जक
सुखया ध्वः जक
वइगु मुलय् जि खंगु मदु
सुखया आक्सय्
सुखया ह्यगसय्
पीर छप्पः नं तंगु मदु

ह्लिच्छि ह्लिनय् ला
न्ह्यइपु दिनय् ला
बहनिइ ह्यगसय् ह्यं थें जुइ
न्ह्यलं पितिकाः
पीर धिचिकाः
थःह्य मचा वं घय्घय् पुइ

धन्य चेतना
 धन्य श्व मतिना
 थुलि हे पीरं पूगु तिति
 सुक्ख दुःखया
 त्थाग रागया
 मनू जन्मया प्रेम खनी

कयं पणुतय्सं
 नं सतकय्सं
 जौभनया प्याखं ला
 प्रेल उलि ला
 प्रेम सुलि ला
 धइब्बु कि सुनां मखं ला

यःत्यः जुइवं
 ह्वने जक दय्वं
 आज्जुइ थ्यं थे ताःह्य व खः
 आज्जु सु खः
 आज्जु छु खः
 आज्जु धकाः नापलाःह्य व खः

चाय्कल आःतिनि
 थुइकल आःतिनि
 आज्जु धइगु ला कुलां जक
 आज्जु पलाः
 खः छपलाः
 मचां तुति चुइ गुलां जक

छः खन वं
 देगः खन वं
 “देगः दने माः जिगु निति”
 थःगु तुगःया
 उगु यःत्यःया
 धइच्चं थें च्वं थुगु मूर्तिं

मय्जुं थःगु
 धाल खँ खःगु
 दय्केगु गामय् बलचा
 तःधी जुइवं—
 धाल भाःतम्हं
 वइ शहरम् हे थ्व मचा

जिगु मतिनाया
 जिगु सपनाया
 आश दु बलचा जूसां
 म्वा:गु खँ ह्लाय्मते
 धंदा काय्मते
 द हे दइ फलचा जूसां

फलेबाय् जूपिं
 बलेबाय् जूपिं
 सकसिगु निति ल्वा:पिं
 त्याय्मा — पवन वं
 ल्वाय्मा: — न्यन वं
 सकसिगु निति हा:पिं

हा:पिं गुलि सित
 ल्वा:पिं गुलि सित
 न्यन वं तुपलं कय्कल हँ
 किसानतय्सं
 मजदुरतय्सं
 म्वाय्गु स्वथा: सी यय्कल हँ

ग्वलि वा गाःथाय्
 मनुत् स्याःथाय्
 'शहीद त्वाः' नां तल हँ च्वयाः
 बहनिइ पुलिसं
 जन मखुपिसं
 व नां ग्वहः यंकल हँ खुयाः

पुलिसं यंकइ
 व ग्वहः छ्वय्कइ
 नुगः मनुया गथे यंकइ
 शहीदतय् हिं
 च्वःगु व चिं
 स्यंकां अमिसं गथे स्यंकइ

नुगलय् जनतां
 च्वइतःगु व नां
 सुनां हुयां हुइ फइमखु रे
 गन व हि बाः वइ
 वीर बुया वइ
 सुनां न्हुयां न्हुइ फइमखु रे

न्येन - नये मखेनाः
 हाःपि ज्वनाः
 कसा नका तइतल जेलय्
 गरीवया इष्टत
 देशया भक्तत
 दाखुँ धकाः तइतल जेलय्

वइच्चन निन्हुस्वन्हु
 पतिकं छन्हुनिन्हु
 मनूत हाप्वः तज्याः थें
 धइच्चन - सीमा
 ऊवक - नीमा
 थवइच्चन आकसय् नन्याः थें

पुलिसत ह्लिच्छि
 वइच्चन चच्छि
 मनूत ख्याः वःपि थें च्वं
 दुश्मन थें च्वं
 ग्यानपुसे च्वं
 मनूत स्याः वःपि थें च्वं

ध्वाक ध्वाक सः वइ
 त्वाक त्वाक सः वइ
 सब्बू चाय् छुं याः थें च्वं
 पुलिसं न्हुइवं
 घाः थें जुइवं
 सतक स्याःगुलि हाः थें च्वं

दुरु त्वसुकी वं
 दुरु त्वंकी वं
 च्याय्क मचा जक ख्वय्वं
 ह्यकाः वइ थें
 दुने द्वां वइ थें
 ग्याः व पलाःसः वय्वं

ग्याः व मय्जु जक
 व न्ह्याःसलं तक
 सुं सुं फुं फुं सः वय्काः
 चःति प्याःह्य
 भाःत मग्याःह्य
 च्वनी सदां थें न्ह्याः वय्का

व न्ह्यः सलं नं
 उलि शब्दं नं
 सुं दुने हइ थें ग्याःह्य व खः
 ग्याःगु व छाया थें
 ग्याय् नं माः थें
 पुलिसत बइ थें ग्याःह्य व खः

मन-मिन ग्याःसां
 धुकु धुकु मिसां
 ग्याः त्वप्पुइ यः बुलुं न्ह्यलं
 न्ह्यलं मचाय् यः
 संन्ह्यः वय् यः
 मचा ख्यःसां नं व ख्वःसलं

त्वाः छगुलि थ्वः
 मचा ख्वःगु सः
 मांबौया न्ह्यः फुंफुं वः
 कयन मत जः
 अन वःगु सु खः
 व सः ताःगुलि अन सुं वः

मैंत जे: वय्व
खव: स: ताय्वं
त्वंकल वं हतपत दुरू नि
आ: छुं याइ थें
आ: छुं धाइ थें
मन तखकं हे चिचि मि

मत ज: कयँकयं
ज: ख: स्वस्वं
धइँचवन पुलिसं-सु हें थपि
सुकुचां खनि थें
अमित ह्यसी थें
कयँकुन वफरा निहां अपि

न्हइपुगु पहराय्
ज:या लहराय्
ह्व:गु व स्वां थें यच्चुसे च्वं
थ्यू वन अमिसं
ज्वं वन अमिसं
व मय्जु खन गुलि यइपुसे च्वं

गिद्ध अपि खः

प्रशिद्धपि खः

मिस्त फुकं खः लाश अमि

बुत्तुबुल वं मिसा

लुत्तुलुल वं मिसा

लाश नय्गु हे आश अमि

भाःतहा वइच्चन

ल्यूल्यू धइच्चन-

मूर्ख सिपाही जिमिहा कलाः

घय्पुल छिमिसं

लुल छिमिसं

ठालु लुल अन छिमिहा कलाः

मर्द छ खःसा

वीर छ खःसा

ठालु - घाय्व हे ग्वत्तुल व

भ्वाभ्वां अनसं

प्यंकल पुलिसं

सतक सिथय् ववपसां पुल व

मूर्छा जुल ला
 न सि हे सित ला
 दना मवःसें च्वंच्वन व
 न्ववाय् मफुत ला
 होश मंत ला
 फितिक मसंसें च्वंच्वन व

कल्लय् सुथय् खन
 मनूत वइच्वन
 मदिकक त्याःत्याः वःगु छु खँय्
 सनाः वःगु थें
 वःगु छु खँय्
 हाःसः छुं मडु जूगु छु थें

मनूत थ्वः थ्वः
 मनूत ऊवः ऊवः
 घौछिति स्वइच्वंच्वन अथें
 स्वस्वं थुल खँ
 मौन जुलूस हँ
 लुलुलुलु षः नं वन थजें

तिनिख्यः लिक् लैय्
 वारे वँय् वँय्
 च्वंच्वन छाय् थें क्वः छपुचः
 गिद्धं भुं थें
 गुथ्यार मुं थें
 हाक्कुक् छाय् मुंवल व पुचः

मौन जुलूस अन
 थ्यनेवं ब्वइ वन
 च्वसं सिमाय्, हाक्कुक् प्वाय् प्वाय्
 क्वाः क्वाः हाः जुल
 मस्यु छाय् लाय् बुल
 पिब्वःगु थें जुल हाक्कुगु ध्वाय्

गुलि गुलि क्वः
 आकसय् नं ब्वः
 धइच्वं थें च्वं — अज्ज मखं
 ओहो दइच्वन
 लाश छगू अन
 मिखा छगः नइतःगु क्वखं

खन अत अमिसं
 न्वमवाः जुलुसं
 लाशया दुरुपाय् च्वंहा मचा
 खबि वल खनेवं
 खबि ज्वल खनेवं
 सीहा व मांया म्वाःहा मचा

थुगु दृश्य स्वयाः
 सह याय् मफयाः
 म्वचु बिल नेतां - हाः वा
 खंकि देश ला
 मसान खः ला
 मौन - मिउन तच्छ्याः वा

मनू छि मखुला
 नुगः छि मदुला
 स्वइदिसं नकतिनि बूहा मचा
 सीहा व मांया
 मस्यु गन गांया
 दुरु चुचु प्याना च्वंहा मचा

कःकः धाःषाय्
 शहर थज्याःषाय्
 किंकांदंगु थ्व मृत्यु दुसा
 अन छु मजुइ
 गन दुर्गम जुइ
 थन हे खिचा थें सीगु दु सा

अन्न मवःला ?
 अन्न मसः ला ?
 धइदिस्सं यांयां लाःगु छु खँय्
 मनू मगाःषाय्
 देय् बुं जाःषाय्
 नय् मखनाः सीमाःगु छु खँय्

मनूत आपाः
 धाहा सु यार्पा
 छहायां निहानिहा खंकाः
 न्यँ वइके गुँ
 गुलि जुल बुँ
 चःति चीमिया प्वंकाः

भनूत मीपि
 मनू अप्वःपि
 न्यै गय् अप्वः जुल मिल नं
 विदेशी जुल नं
 विदेशी वल नं
 गुलि परदेशय् बिल नं

मोटर छगः हल
 लाश काय्त वल
 लाश पना तल जनतां
 खंकि थब नेपाः
 देशया खुवाःपाः
 धइच्च्वन अन नेतां

हल कथि संकाः
 पापुर् न्याय्काः
 पुलिसतसें तं पिकयाः
 मनूत हाप्वः
 दन धूप्वः
 चुलुल पीच हे हि वयाः

छह्य व बुराह्य
 गन लं वःह्य
 संन्या पति थे च्वन कानाः
 विसिवन मेपि
 पःखाः गःपि
 च्वन व पःखालय् न्याना

ववषसां पू वन
 बँय् भ्वसू वन
 व्यनय् कथि जक दाय्वं
 मूर्छा बफुरा
 जुल व बुरा
 सुकुचां बूथं ध्वाय्वं

ग्वतुले साथं
 अज फूटपार्थं
 छ्वत तिनि सुकुचां प्यंका
 मन्तरि जुइपि
 मखा छिपि
 धइक्वंच्वन वं न्यंकाः

न्ह्यःने दु मैपि
ल्याय्हा ल्याय्हापि
अमित अपायसं दाय्मफु वं
चवनेवं थमि थें
चवनेवं तःमि थें
तं पिकयाः छुं याय्मफु वं

गामय् च्वपि
गामं वःपि
जुइवं फूतिं सनिहा व खः
गामाः गज्याःहा
ग्दतुलकि न्हुइहा
सीहा धुँया ग्वाय् पुइहा व खः

गन लं व बुरा
वल जुइ बफुरा
ग्वःथु ग्वःथु मछि श्वाय् फुहा व
मर्द व खः
छहा वीर व खः
भकुंग्वारा थें याय्फुहा व

फुईर्काय् यायां
 बूथं श्वाश्वान्
 खन व सीह्य व माह्य सुखः
 सिल व यःह्य
 वयहेः खः थःह्य
 ह्यासय् लां च्वइतह्य सुखः

नुगः थरं मिन
 जूगु छु खः खन
 अय्नं छु वं धाःगु मखु
 पाप ह्यिगःया
 लुमन वया
 वयहेः धकाः धाय् छाःगु मखु

थः नं खः छह्य
 चःविइ बह्य
 गिद्ध बथानय् छऊवः छुनाः
 च्वन आः वयछुनाः
 त्दलं च्वनाः
 गस्ती मरितया पाप मुनाः

च्वंच्वन भुलुहं
 ज्यः थें तुलुहं
 बौया चिथि नं लुमन वया
 गन च्वंच्वन यँय्
 लुइकि वयहे
 खः बौह्मं तइतःगु च्वया

छु धाय्गु आः वं
 छु याय्गु आः वं
 लिसः छु बी आः च्वय्गु छु खः
 आँट मवः
 फुक पाप नवः
 मिखा कनाः गन स्वय्गु छु खः

धुकु धुकु मिकाः
 नुगः मछिकाः
 हिकु हिकु सुं छह्म खवः थें च्वं
 थःगु दुनं हे
 थःगु मनं हे
 ई थुथु आना हः थें च्वं

निपां चूहा सां
 दनाच्चंहा सां
 प्यपां ष्यपां जक चुइ थें च्वं
 पापं पू थें
 तापं पू थें
 इकुयाः भ्वभ्व सुइ थें च्वं

“अय् सुकु” धइहल
 कुने लं सःतल—
 “नापलाः वःगु दु छंत थन”
 लाश काय्त खइ
 सुं वल जुइ
 फन धुकु धुकु मिन वइगु मन

थौं तक सुं हे
 गनं गनं हे
 वइगु नां कयाः वःगु मरु
 कुल्लि वःगु खइ
 मेहा सु वइ
 सुनां लुमंका हःगु मरु

स्वप्नुइ धकिनं
आः गथे ! नकिनं
खिपः कथाः सीमाः थें च्वं
मताःगुलि
हं मधाःगुलि
'अय् सुकु' तसकं हाः थें च्वं

ह्यमस्यू धाय् ला
मस्यूछु याय् ला
लाश काय्त खइ वःगु अपि
विद्यार्थी थें च्वं
भिपि थें च्वं
निहा दु सु जुइ छ्वइ हःगु अपि

ग्याःगु मनं न्यन
तर अमिसं कन-
सार्कि धाःहा छिमि बौ खः ला ?
हुँ अस्पतालय्
सी व अकालय्
जुल तसकं हे घाइते व ला

नव वाय्फु व बुरां
आः तक बफुरां
वःह्य व वयहे छं समाःगुलि
धाः वइगु जिपि
कं वइगु जिपि
थन थानाय् काय् दु धाःगुलि

थुइकि छकः छं
थःत सु खः छं
गरीवया खः छ नं मचा
छं हे दाःगु
जुइफु व ध्वाःगु
स्वइव्यु छ होशय् वयाः भचा

लं छजु फिकेवं
कथि छपु बीवं
जुइ ज्यू ला यांथ्यां मसियाः
चाय्कि छकः
छं सीकि छकः
तइतःगु सुनां जन्म बियाः

दुखी गरीवत
नय् मखनाः सित
थुक्किया निति त्वाय्गु जिपि
छिपि गज्याःपि
यंत्र थज्याःपि
जिमित कथि दाः वइगु छिपि

छिमि मां गामय्
छिमि बौ गामय्
बुँया दथुइ चांलाःगु छु खँय्
सीकि छकः छं
थुइकि छकः छं
शहरय् जक बांलाःगु छु खँय्

नय् मखन छु खँय्
पुने मखन छु खँय्
बुँ फुकं गरीवया ह्लातय् खः
सीकि छकः
याय्माःगु छु खः
मील गरीवया ह्लातय् खः

॥ २५ ॥

ग्याःगु छु खँय्
 ग्याय्माःगु छु खँय्
 गरीवथा ह्लातय् वन्दुक खः
 फुक्क दु अय्न्
 मदु गय् छु न
 गरीववा ह्लातय् हे फुक खः

थुलि थुल धाःसा
 छिमिसं पासा
 ख्वइमखु धरति थपाय्सं
 उतिकं उतिकं
 सुख बी सितिकं
 हिली थ्व धरति गपाय्सं

थुइकेत अमिसं
 न्वचु बिल अनसं
 तर सुकुचां छु थूगु मखु
 गनं पलंगय्
 यरुचुगु फुंगय्
 बौ स्वः वन बौ लूगु मखु

थू थें च्वन वं
 स्यू थें च्वन वं
 तःमित जक तइतइगु क्वथाय्
 अन कुं चाय् सं
 ई फाय् थाय् सं
 बौ खंकल वं स्वाने दुथाय्

सः तल — यः बाः
 खंकल थः बाः
 थःत पिया च्वं च्वंगु मरु
 सतक दथुइ थ्यं
 थ्वाःगु व बूथं
 न्यन वं छह्मस्यां धाःगु बरु

तुति त्वथुलाः हे
 ह्लाः चफुनाः हे
 ब्यूसां ज्यू थें च्वन वइत
 म्वाय्गु छु याय् त
 पाप दुकाय् त
 सीसां ज्यू थें च्वन वइत

तर दुने नुगलं
 सुं छहा मूर्खं
 निमक धकाः धाय् त्यं थें च्वं
 नून वयनाः
 वं ऐन वयनाः
 पाप पुण्य याय् त्यं थें च्वं

नून छु खः अय्
 ऐन छु खः अय्
 कानून दय्का तःगु घनं
 वइगु व चःति
 दुखया कःति
 सीकि नून छं वइगु गनं

सय्कल जनतां
 अन्न व सकतां
 महल्य् गमलाय् सःगु मरु
 नून छु खः
 कानून छु खः
 महलं चि पिहां वःगु मरु

थः बौ थःह्य
स्याय् धुंकल छं
आः ला होशय् वइव्यु छकः
व्यूगु थ्व जनतां
नून व सकतां
थनिनिसैं छं थइव्यु छकः

गरीव न्यानाः
सिपाहीं यानाः
धन रक्षा याय् सःह्य सु खः
सीकि छकः छं
थुइकि छकः छं
गरीव वयत्यला तःह्य सु खः

लु न्याय्व यंकइ
वरेनं स्यंकइ
दय्कइ अले माःमाःगु तिसा
छ न्याय्व यंकाः
छु यात स्यंकाः
होश वय्कि छं बुद्धि दुसा

न ध्याय्व यंकइ
 कौनं स्यंकइ
 दय्कइ खकुरि, कराइ
 सुनां छु यानाः
 छ छह्नां न्यानाः
 दय्कल छंत सिपाइ

पापि व खः छह्ना
 हि त्वना - च्वह्ना
 मनूत स्यानाः नइह्ना व खः
 यःबल्य् नय्त
 माःवल्य् स्याय्त
 मनूत लहिनाः तइह्ना व खः

थुल आः सकस्यां
 सिल आः ससस्यां
 आः चव्वुत का पापि छिपि
 मनूत स्याइपि
 ववँय् चुचु प्याइपि
 आः फुक फुत का पापि छिपि

केन आः सकस्यां
खन आः सकस्यां
बुँ फुकं गरीवया ह्लातिइ खः
कूत छु हइ आः
लब्बः छु दइ आः
मील गरीवया ह्लातिइ खः

गरीवया ब्वहल्य्
तुपः नं महल्य्
रक्षा याः वइ गुह्य त्वर्का
क्वः दइन छ आः
ब्व दइन छ आः
सुना क्वबी बन्दूक स्वर्का

खिउँगु क्वथाय् थुगु
संगु च्वसाय् जिगु
ह्यगस थ्व खः अय् गरीवत
षा वा दने वा
वा बा वने वा
सत्य गाय्त जि च्वइगु खत

शहीद वंथाय्
 शहिदं वयंथाय्
 वने वा, वन थुगु लं गुलि ला
 वा वने की नं
 वा दने की नं
 खन जुइ वंपि छं गुलि ला

दन धाः गरीवत
 सन आः गरीवत
 महलत थरथर खाःगु उकिं
 गरीवत ग्वःफय्
 जुल आः तःफय्
 पपित हीमी चाःगु उकिं

फुकसिगु ह्लातिइ
 दु अहो सगति
 मलः म्हू छिना तःगु गुलि
 थव हाःसलं
 थव त्वाःसलं
 ह्लासला त्वः थें त्वःगु गुलि

मलः गवःफय्
 हसला तःफय्
 सुनां पनां पने फइ मखु आः
 श्व वाफसं हइ
 न्ह ऋतु वइ
 सुनां गनां गने फइ मखु आः

नमि ग्वाःगु थें
 ख्वाः हि च्याःगु थें
 राक्कय् जुइकाः वल लस्कर
 वःगु सुपि खः
 हुलिहुलिपि खः
 त्वपुल फिकां दंक शहर

भूत वःगु थें
 प्रेत वःगु थें
 ग्याःगु सुपि थौं ग्याःगु सुपि
 ह्मिगः ह्मिगःतक
 थौंतक आःतक
 खः गरिवं लहिनातःपि

मनू भूत गय्
 मनू प्रेत गय्
 जुल ? थुलि गंसि याःगु सुनां ?
 खः अमिसं हे
 हि त्वनीपिसं हे
 हुलिहुलि वःपि धाःगु सुनां ?

गंसि मंसिपि
 लिगिलिगि - च्वनि
 लिगिलिगि संकः वःगु छु खः
 नून व खः
 कानून व खः
 लिगिलिगि संका हःगु छु खः

मि नय्कल रे
 दिनिदिनि छ्वल रे
 मनूहि त्वनिपि च्वनिगु महल
 मेला जुल रे
 गुलि न्ह्यइपुल रे
 छ्वल ला नइपि च्वनिगु महल

किसान जानाः
 मजदुर जानाः
 मुकुमवासी फुक जानाः
 थुइकि छकः अय्
 सीकि छकः अय्
 च्वंच्वन छाय् थथे त्वानाः

थुलि हीचायाः
 थुलि तंचायाः
 ल्वाःगु छु खँय् छं सीकि छकः
 खंकि छकः
 छं जूगु छु खः
 हाःगु छु खँय् छं थुइकि छकः

जूमु अब खःकि
 स्यूगु एव खःकि
 गरिवया म्हाय् जौभन म्यू जुइ
 म्याःगु सुनां धा
 काःगु सुनां धा
 गरिवया काय्या इज्जत फुइ

गरीवया काय्
गरीवया म्हाय्
मिसिनया पूर्जा याःह्य सु खः
नितकां प्यानाः
मस्यु गय् यानाः
मुखा पिवाः वइतःह्य सु खः

स्याय्त्त गरीव हे
गरीवया काय् हे
लाखय् दुबिका तःह्य सु खः
मनूत् ख्वय्काः
द्यांद्यां लाकाः
लाखय् लहिना तःह्य सु खः

द्यनेमाः लैय् गुलि
देय्गः थुलि थुलि
मूर्तिया निति दंह्य सु खः
त्वपुयाः म्वाःहि
मनूया लाहि
द्यःया बाखं कंह्य सु खः

मन् पित्याकाः
 द्यां द्यां लाकाः
 त्वहं पुज्याका तःह्य सु खः
 जनता तिसिनाः
 हिचःति द्वचिनाः
 पुजारी त्वहंका तःह्य सु खः

वइत ह्यसीकाः
 फुक्क खँ थुइकाः
 ण्यां वःपि आः दिइमखुत्त
 न्वःगु मि न्वइ आः
 छ्वःगु मि छ्वइ आः
 शक्ति मकासें सीमखुत्त

हिगुलुत्त वँय् थें
 जुल रे ख्वय् थें
 मखन लिधँसा काय्गु गनं
 पंडित नेता
 थःथिति सःताः
 धइच्चन-मन्त्र छु याय्गु हनं

न्हाग्गु जाल या
 न्हाग्गु जेल या
 मिखाय् पस्ति ची फइमखुत
 पुइकइ पंगः
 चीकइ अंगः
 थुगु ग्वःफय् दी फइमखुत

सकसित स्याय्गु
 थः सुख याय्गु
 धइगु रीत आः दइमखुत
 गरीव न्यानाः
 राक्षम यानाः
 गरीव स्याय् आः फइमखुत

ब्यर्थय् नितकाय्
 अमिगु मूलुखाय्
 दनिह्म पिवाः आः बिसिवन रे
 दइ थथे स्वय्
 जुगय् जुगय्
 स्वः वा सु सु इतिमिति कन रे

विज्ञापन बिल
 सकस्यानं सिल
 लक्ष्मिया द्वःछि हँ किस्ता
 मवन हँ सुं नं
 नय् दइ सां नं
 कःनिया सत्ताय् पिस्ता

चाय्कल सकस्यां
 थुइकल सकस्यां
 मनू स्याय्गु ज्या स्वइगु ?
 थुइकल अमिसं
 चाय्कल अमिसं
 दाखुं व माहांतय्गु

धुकुतिइ गुलि दइ
 दाखुं फुक हइ
 छह्य निह्य स्याय्वं लखलख दइ
 निद्वः प्यद्वःचा
 छुचुं छप्पःचा
 लखलख स्यानाः पुलिसं हइ

पवं वने हैं वरु
 सी वने हैं वरु
 मनू स्याय्गु ज्या याय्मखु हैं
 जुल मालिक वेंय्
 वल वल लेंय्
 अमिसं मालिक धाय्मखु हैं

काय्काः इज्जत
 च्वंप्पि मय्जुत
 हा हा यानाः हाःगु स्व रे
 लाय् बुल आत्ता !
 न्ह्यइपुल आहा !!
 तररर लापा थाःगु स्व रे

गथां मुगः थें
 लुल भुद्यः थें
 वा वा छं नं लू वा
 भूत पित्युं वा
 प्रेत पित्युं वा
 छं नं पलसा पू वा

वा वा गरीवत
प्यां वा गरीवत
मसः मस्यू धाय् मसे दं वा
वा वा न्ह्याः वा
न्ह्याःने न्ह्यज्याः वा
सःस्यूपिनि पुचलय् च्चं वा

खिउँ खः खिउँसां
खिमिला जूसां
तुति चुयाः वा दं वा
मिखा कनकि हे
मुथ दु खनकि हे
वा वा व मिखा कं वा

ओहो जः जः
जःजक जःखः
थःगु नुगः हे
ई व मुगः हे
गुरुद्यः
शुरुद्यः

